



18. januar 2011

Inatsisartut suleriaasianni § 37 naapertorlugu matumuuna imaattunik Naalackersuisunut apeqquaqarpunga:

(Inatsisartuni ilaasortaq Olga P. Berthelsen, Inuit Ataqatigiit)

Apeqqutit:

Namminersorlutik Oqartussat Danmark-mi Statens Byggeforskningsinstitut-llu isumaqatigiissutaat qanoq imaqarpa?

Inuit inigisaminniit anisitaasut, inisseeqqinnerlu aqutigalugu ikiorserneqanngitsut qanoq sullinneqartarpat, ilisimaqarpalu sumut pisarnersut imaluunniit qanoq inuuneqarnersut?

Nunatsinni angerlarsimaffeqanngitsut- aamma iserfissaqanngitsut, qanoq amerlatiginersut paasilluarniarlugit Naalackersuisut nutaamik misissuititsilersaarpap?

Tunngavilersuut:

Angerlarsimaffeqanngitsut- aamma iserfissaqanngitsut pillugit dec. 2010 Naalackersuisunut apeqquaqarpunga.

Naalackersuisut akissuteqaataanni 29.dec.2010 (sagsnr. 2010-043180) nassiunneqartumi, apeqquummut 1.-mut tunngatillugu akissummi oqaatigineqarpoq; "Ilisimasassat pisariaqartitat amerlisarumallugit, tassuunakkullu angerlarsimaffeqanngitunut- aamma ineqanngitsunut suliniutit nukittorsarumallugit, Namminersortut Danmark-imi Statens Byggeforskningsinstitut (SBI) ilisimatusarnikkut pilersaarusiassat assigiinngitsut pillugit suleqatigiinnissamik isumaqatigiissuteqarfigisimavaat" Akissuteqaatip nanginnerani suleqatigiinnissamik isumaqatigiissutip siunertaasa ilagisimasaa assersuutitut allaaserineqarpoq. Annertunerusumik paasisaqarnissaq pisariaqartinneqarmat, suleqatigiinnissamut isumaqatigiissutip ersarissamik paasititsissutigineqarnissaa kissaatigaara.

Akissummi aamma tassani, apeqquummut 2-mut tunngatillugu, nuna tamakkerlugu 2010-mi anisitsinerit aamma inisseeqqissimanerit ilaatigut pct-ngorlugit ersersinneqarpoq. Anisitaasimasut 219-upput, inisseeqqinnerit 138-upput tassa inisseeqqinnerit pct.-ngorlugit 63-lluni. 2010-mi anisitaasimasut tamakkerlutit 37 pct.-ii inisseeqqinneqarsimanngillat. Akissummi eqqaaneqanngilaq inuit, naliginnaasumik inissianik attartortuusut inigisaminniit anisitaasimasut, inissiamullu arlaannut inisseeqqinneqarsimanngitsut sumut pisarnersut, qanorlu ikiorserneqartarnersut. Tamanna soqutiginaateqarpoq paasissallugu, tassami ilisimaneqarunamngimmalluunniit, inuttaasut taama inississimasut meerartaqarnersut.

Misiissuinermi "Kalaallit Nunaanni angerlarsimaffeqanngitsut – kommuunini tamani angerlarsimaffeqanngitsut amerlassusaannik naliliineq"-mi kisitsisit pissarsiarineqarsimasut, annertuumik oqaatigineqartutuut nalorninarqartinneqarput. Tamanna nalornineq tunngavigalugu, Naalackersuisunit pisariaqartinneqarsorinarpoq misissueqqinnissamik nuttamik aallartitsinissaq. Taamatummi misissuisoqarsimanngippat nunatsinni inuit angerlarsimaffeqanngitsut- aammalu iserfissaqanngitsut, qanoq amerlatiginersut paasineqarsinnaanngimmat.